

Na osnovu člana 2.12. stav 5. Izbornog Zakona Bosne i Hercegovine („Službeni Glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08), člana 2. Odluke o utvrđivanju kvalifikacija za članove izbornih komisija („Službeni glasnik BiH“, broj 40/06), člana 2. i 3. Upustva o procedurama za imenovanje članova Općinske izborne komisije, Izborne komisije grada Banja Luke, Izborne komisije grada Mostara i Izborne komisije Brčko distrikta, broj: 01-02-2-1495/08 od 29.05.2008. godine, člana 1. Odluke o raspisivanju javnog oglasa za imenovanje dva člana Općinske izborne komisije općine Banovići, Općinsko Vijeće Banovići, raspisuje

JAVNI OGLAS za imenovanje dva člana Općinske izborne komisije Banovići

Član 1.

Raspisuje se javni oglas za imenovanje 2 (dva člana) Općinske izborne komisije Banovići od kojih će jedan biti izabran za predsjednika Općinske izborne komisije..

Predsjednika i članove Općinske izborne komisije Banovići imenuje Općinsko vijeće Banovići, uz saglasnost Centralne izborne komisije Bosne i Hercegovine na period od 7 (sedam) godina.

Uslovi koje kandidati za predsjednika i članove Općinske izborne komisije treba ispunjavati su sledeći:

Uslovi iz člana 2.2. Izbornog Zakona BiH:

-Član Općinske izborne komisije je osoba sa pravom glasa;

-Član Općinske izborne komisije je lice sa odgovarajućom stručnošću i iskustvom na provedbi izbora

Uslovi iz Odluke o utvrđivanju kvalifikacija za članove izbornih komisija (Odluka broj:05-1-02-2108/08 od 17.07.2008.godine)

Pored uslova iz člana 2.2. Izbornog zakona BiH, kandidati za članove Općinskih izbornih komisija moraju ispunjavati kriterije iz Odluke o utvrđivanju kvalifikacija za članove izbornih komisija i to:

-da imaju prebivalište na općini Banovići;

-da imaju završen pravni fakultet, odnosno VII/1 stepen stručne spreme stručne spreme društvenog smjera ili završenu višu odnosno VI/1 stepen stručne spreme društvenog smjera;

-da posjeduju iskustvo u provedbi izbora

Pod iskustvom u provedbi izbora, u smislu člana 2. Stav 2. gore citirane Odluke podrazumijeva se:

a)članstvo u izornoj komisiji;

b)članstvo u biračkom odboru;

c)rad u stručnim organima u provedbi izbora;

d)objavljivanje stručnih i znanstvenih radova iz oblasti izbora.

Kriteriji za imenovanje članova Općinskih izbornih komisija:

“Član Općinske izborne komisije po članu 2.12. stav 4. Izbornog zakona BiH može biti:predsjednik ili sudija redovnog suda, sekretar općinskog vijeća, lica profesionalno zaposlena u općinskim organima uprave ili druga lica, ako ispunjavaju uslove iz člana 2.2. Izbornog zakona, a nemaju smetnji iz člana 2.3. Izbornog zakona.

“Za člana Općinske izborne komisije po članu 2.3. Izbornog zakona BiH:ne može biti imenovano lice:

1.koje se ne može kandidovati u smislu odredbi člana 1.6., 1.7. i 1.7.a Izbornog zakona BiH;

2.koje je član najvišeg izvršno-političkog organa političke stranke ili koalicije

(predsjednik,potpredsjednik,generalni sekretar,sekretar ili član izvršnog odbora ili glavnog odbora);

3.koje je nosilac izabranog mandata ili je član izvršnog organa vlasti, osim u slučajevima predviđenim članom 2.12.stav 4. Ovog Zakona;

4.koje je kandidat za izbore za bilo koji nivo vlasti;

5.kojem je izrečena kazna za težu povredu izbornog zakona ili propisa za koji je lično odgovorno, u posljednje četiri godine računajući od dana pravosnažnosti odluke.

“Član Općinske izborne komisije po članu 2.12. stav 7. Izbornog zakona BiH: ne može biti zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže”.

“U sastavu općinske izborne komisije po članu 2.2. stav 4. Izbornog zakona BiH, nastojat će se obezbijediti da broj članova manje zastupljenog pola bude najmanje 1/3 ukupnog broja članova”.

“Sastav izborne komisije po članu 2.14. Izbornog zakona BiH treba da bude multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou”.

Uz prijavu na ovaj Javni oglas potrebno je dostaviti sledeću dokumentaciju:

1. **kraća biografija sa ličnim podacima kandidata (ime i prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi)**
2. **ovjerena fotokopija diploma o završenom stepenu i vrsti stručne spreme;**
3. **dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima iskustvo);**
4. **svojeručno potpisana i od nadležnog organa ovjerena izjava o nacionalnoj pripadnosti;**
5. **svojeručno potpisana i od nadležnog organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno –političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke),**
6. **fotokopija lične karte i uvjerenje o prebivalištu izdatog od strane CIPS-a;**

Ovaj oglas ostaje otvoren 8 (osam) dana od dana objavljivanja.

Po zatvaranju Javnog oglasa, Komisija za izbor i imenovanje izvršit će klasifikaciju kandidata.

Sa kandidatima koji ispunjavaju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu.

Općinsko Vijeće Banovići će, cijeneći položaj kandidata na rang listi izvršiti imenovanje i svoju Odluku dostaviti na saglasnost centralnoj izbornoj komisiji BiH.

Nepotpune i neblagovremene prijave neće biti uzete u razmatranje.

Prijave za ovaj Javni oglas dostaviti u zatvorenim kovertama sa naznakom:

JAVNI OGLAS ZA IMENOVANJE ČLANOVA OPĆINSKE IZBORNE KOMISIJE NE OTVARAJ” na sledeću adresu:

KOMISIJA ZA IZBOR I IMENOVANJE OPĆINSKOG VIJEĆA BANOVIĆI
Ulica Alije Dostovića br. 1
75290 Banovići

Za sve dodatne informacije možete se obratiti na telefon:
035-875-467

PREDSJEDAVAJUĆI OPĆINSKOG VIJEĆA

Nermin Delagić, s.r.